

復私幸本籍人民享億萬載太平熙皞之樂。故踴躍歡忭而肅爲之頌曰。

皇天眷命景運昌。

聖人首出萃百祥。三商五慶在日旁。同本異穗嘉禾穰。黔之山兮煥其章。黔之水兮爛其光。黔之人兮樂且無央。不煩一矢啟苗疆。彼蒼垂象兮孰敢當。膚功超軼古帝王。四方來賀天威揚。

帝曰俞哉毋怠荒。恭已南面垂衣裳。文恬武熙播萬方。日際月竈走鯢鱓。自天申之寶祚長。小臣獻頌兮曰父母之邦。

鯢鱓音龍

貴陽府志

餘編卷四

文徵四

三

贊

宋濂 以下明

天馬贊

西南夷自昔出良馬。而產於羅鬼國者尤良。或云羅鬼疑卽古之鬼方。其地有養龍坑。在兩山中。法淳灤深。開闢靈氣。而蛟龍寶藏其下。當春日始和。物情酣鬯。土人立柳坑畔。擇牝馬之貞者繫之。已而雲霧晦冥。咫尺不能辨色。類有物蜿蜒上與馬接。蓋龍云。逮天色開霽。視馬傍之沙有龍跡者。則與龍遇。謹其芻芟而節宣之。暨產必獲龍駒焉。粵若洪武四年六月

論音韻